

Terma reference

Thirrje për ekspert për hartimin e metodologjisë dhe të formateve për vlerësimin e nevojave të grupeve vulnerabël të prekur nga emergjenca në Bashkinë Krujë

Konsulenca	Hartimi i metodologjisë dhe i formateve për vlerësimin e nevojave të grupeve vulnerabël të prekur nga emergjenca
Projekti	Përgjigje ndaj rrezikut të shtuar për grupet vulnerabël si pasojë e vështirësive të shkaktuar nga emergjencat civile në Bashkinë Krujë
Zonat e projektit	Bashkia Krujë
Kohëzgjatja e projektit	Gusht 2021 – Korrik 2022
Lloji i kontratës	Kontratë Shërbimi
Data e fillimit të punës	27 Shtator 2021

Nisma për Ndryshim Shoqëror ARSIS kërkon të kontraktojë një ekspert për **hartimin e metodologjisë dhe të formateve për vlerësimin e nevojave të grupeve vulnerabël të prekur nga emergjenca** në Bashkinë Krujë si pjesë e projektit “Përgjigje ndaj rrezikut të shtuar për grupet vulnerabël si pasojë e vështirësive të shkaktuar nga emergjencat civile në Bashkinë Krujë” zbatuar nga Nisma ARSIS me mbështetjen e PNUD në Shqipëri në lidhje me programin “Masat reaguese të mbrojtjes sociale pas tërmetit”.

Rreth Nisma ARSIS

Nisma për Ndryshim Shoqëror ARSIS (shkurtimisht Nisma ARSIS) është një organizatë jofitimprurëse e cila është themeluar në shkurt të vitit 2016. Nisma ARSIS është një aktor jo qeveritar me influencë në sektorin e shoqërisë civile në Shqipëri.

Misioni i Nisma ARSIS është të ofrojë shërbime dhe zgjidhje të qëndrueshme për individë dhe grupet më të marginalizuara në shoqërinë shqiptare me theks të veçantë në komunitetet Rome dhe Egjiptiane. Nisma advokon dhe lobon në nivel lokal dhe qendror mbi çështjet e mbrojtjes së fëmijëve dhe të rinjve, zhvillimit dhe pjesëmarrjes, përmirësimit të kushteve social-ekonomike të familjeve të tyre dhe fuqizimit të kapaciteteve të shërbim ofruesve, organizatave jofitimprurëse, profesionistëve dhe aktorëve të tjerë të cilët punojnë me fëmijët në situatë vulnerabël.

Rreth projektit

Kjo nismë zbatohet në kuadër të projektit “Masat reaguese të mbrojtjes sociale pas tërmetit”, i zbatuar nga Programi i Kombeve të Bashkuara për Zhvillim (PNUD) dhe i financuar nga Fondi i Përbashkët SDG dhe Fondi për Rimëkëmbjen e Tërmeteve. Projekti mbështet Qeverinë Shqiptare dhe tre bashki të prekura nga tërmeti, në hartimin dhe përkthimin e synimit të politikave në veprimet e duhura vendore për të siguruar që burrat, gratë, vajzat dhe djemtë që jetojnë në varfëri ose situata të cënueshme, që kryqëzohen me kushtet pas tërmetit, të kenë akses ndaj shërbimeve të integruara dhe cilësore sociale.

Projekti do të mbështesë Bashkinë Krujë, si një zonë e prekur nga tërmeti nëpërmjet ofrimit të shërbimeve sociale cilësore dhe të integruara për fëmijë, nëna, dhe prindër që jetojnë në varfëri apo

në situatë vulnerabël. Për të arritur këtë qëllim projekti do të fokusohet në ngritjen e Njesisë së Vlerësimit të Nevojave dhe Referimit (NJVNR) në nivel Bashkie me rol specifik në trajtimin e grupeve vulnerabël dhe në nevojë për shërbime shoqërore, zhvillimin e detajuar të vlerësimit të nevojave në komunitetet e prekura nga tërmeti dhe njëkohësisht edhe nga pasojat e pandemisë COVID-19 si dhe ofrimin e shërbimeve direkte shoqërore për tejkalimin e pasojave dhe vështirësive të krijuara nga tërmeti dhe COVID-19. Struktura Përgjegjëse për Shërbimet Shoqërore në kuadër të këtij projekti do të realizojë edhe hartimin e një plani veprimi lokal për përgjigjen ndaj emergjencave civile duke përfshirë dhe planifikimin e ndërhyrjeve për mbrojtjen e fëmijëve në situatë emergjence.

Grupet përfituese dhe aktorët kyç:

- Fëmijë dhe familjet e tyre në situatë vulnerabël;
- Fëmijë dhe të rritur në situatë të lartë rreziku dhe në nevojë për mbështetje;
- Fëmijë dhe familjet e tyre të prekura nga tërmeti i Nëntor 2019;
- Punonjës të strukturave vendore si drejtoria e shërbimit social (NJMF, NJVNR, Koordinatorin i dhunës, etj).

Detyrat dhe përgjegjësitë:

Ligji 121/2016, “Për shërbimet e kujdesit shoqëror në Republikën e Shqipërisë”, në Nenet 36 dhe 37 ka përcaktuar ngritjen e Njesisë së Vlerësimit të Nevojave dhe Referimit (NJVNR), e krijuar në nivelin e njësive administrative. Në Bashkinë Krujë synohet mbështetja e strukturës së NJVNR-së në kuadër të projektit dhe rolit të saj në procesin e vlerësimit të nevojave të komunitetit dhe për këtë qëllim nevojitet kontraktimi i një eksperti i cili do të hartojë metodologjinë e vlerësimit të nevojave të grupeve në nevojë të prekur nga emergjenca dhe jo vetëm, sipas elementëve të përshkruara si më poshtë:

- Zhvillimin e planit të zbatimit të vlerësimit të nevojave sipas hapave:
 - Hapi 1. Ngritja e një grupi pune
 - Hapi 2. Përcaktimi i fushës apo i çështjeve që do të adresohen
 - Hapi 3. Përcaktimi i komunitetit të cilit po i drejtohem - në këtë rast, njësia administrative.
 - Hapi 4. Përcaktimi i metodës/teknikës së vlerësimit cilësore apo sasiore, çfarë instrumenti pyetësori, intervista, fokus grupe, vëzhgime etj.
 - Hapi 5. Zhvillimi i një plani veprimi/pune - Kush do bëjë çfarë, kur, ku dhe si?
 - Hapi 6. Zbatimi i metodave të përzgjedhura - Mbledhja e të dhënave, kryerja e vlerësimit, e pyetësorëve, vëzhgimit etj.
 - Hapi 7. Analizimi i rezultateve
 - Hapi 8. Raportimi i gjetjeve – Prezantimi i informacionit të përfituar te palët e interesuara
- Përgatitjen e listës së kontakteve dhe hartës së shërbimeve në nivel lokal;
- Përshkrimin për format e vlerësimit të nevojave si: pyetësorë, udhëzuesit për intervistat me aktorë kyç dhe udhëzuesit për fokus grupe (për fëmijët, prindërit, anëtarë të komunitetit, profesionistët të mbrojtjes së fëmijëve dhe specialistët në kontakt me fëmijët dhe grupet e tjera në nevojë);
- Përshkrimin për formën e analizës së të dhënave dhe strukturën e raportit të vlerësimit të nevojave të grupeve në nevojë të prekur nga emergjenca në Bashkinë Krujë;
- Përshkrimin e mënyrës dhe formës së ndarjes së draft raportit të vlerësimit me aktorët që do të përfshihen në procesin e mbledhjes së të dhënave të vlerësimit të nevojave për grupet në nevojë;

- Përshkrimin e formës së organizimit të procesit të konsultimit me Bashkinë Krujë, për raportin final të vlerësimit.

Eksperti duhet të dorëzojë:

- Metodologjinë e hartuar të vlerësimit të nevojave të grupeve të prekura nga emergjencat në Bashkinë Krujë;
- Formatet e hartuara për vlerësimin e nevojave të grupeve të targetuara

Afatet kohore

Aktivitete	Afati
Dorëzimi i draftit të parë të strukturës së Metodologjisë	30 shtator 2021
Dorëzimin e metodologjisë finale	14 tetor 2021

Kualifikime dhe eksperiencia e punës:

- Diplomë universitare e ndërthurur me trajnime të specializuara në fushën e shkencave sociale;
- Njohuri shumë të mira rreth situatës së grupeve vulnerabël dhe në nevojë të prekur nga emergjencat;
- Njohuri shumë të mira të Strategjisë Kombëtare për Mbrojtjen Sociale 2020-2023 dhe të gjithë paketës ligjore për ofrimin e shërbimeve të kujdesit shoqëror;
- Njohuri shumë të mira të paketës ligjore të shërbimeve shoqërore;
- Më tepër se 5 vite eksperiencë profesionale si ekspert dhe praktikë në sistemin e mbrojtjes sociale, shërbimeve sociale, të mbrojtjes së fëmijëve dhe fuqizimin e familjeve në situatë vulnerabël;
- Trajnime dhe eksperiencia të mëparshme në vlerësimin e nevojave të komunitetit në nivel lokal dhe kombëtar;
- Përvojë me koordinimin e veprimeve për realizimin e raporteve dhe analizave në fushën e mbrojtjes sociale.
- Dëshirë dhe mundësi për të udhëtuar në terren;
- Të kuptojë dhe të dakordësojë me misionin dhe qëllimin e NISMA ARSIS, politikat e Mbrojtjes dhe të Drejtave të Fëmijëve në Shqipëri;
- Njohuri shumë të mira të gjuhës shqipe dhe angleze;
- Aftësi të mira në përdorimin e paketës MS Office

Politikat e Mbrojtjes: Të gjithë personat që punojnë me programet e NISMA ARSIS janë të detyruar të respektojnë politikat e mbrojtjes së fëmijëve, politikat e mbrojtjes nga abuzimi dhe shfrytëzimi seksual, kodin e sjelljes bashkëngjitur me termat e referencës.

Kohëzgjatja e kontratës së shërbimit është 8 (tetë) ditë pune dhe data e mundshme e fillimit të punës është 27 Shtator 2021.

Procedura e Aplikimit:

Aplikantët e interesuar për të aplikuar për pozicionin e ekspertit duhet të dërgojnë me email:

- Shprehje interesi,
- Curriculum Vitae (shoqëruar më evidencë të punëve të mëparshme të ngjashme).

- 3- Oferta financiare
- 4- Deklarata e disponueshmërisë

Gjithë dokumentacioni i aplikimit duhet të dorëzohet në adresën e emailit: initiative.arsis@gmail.com deri në datën **18 shtator 2021**, mesnatë, me subjekt: Aplikimi për “Ekspert për hartimin e metodologjisë dhe të formateve për vlerësimin e nevojave në Bashkinë Krujë”

Vetëm kandidatët e përzgjedhur për fazën e intervistimit për pozicionin e ekspertit do të kontaktohen.